

溫公文集

第十二冊  
函

司馬溫公文集卷四十九

山右督學使吳時亮元亮甫發刻



平陽府知府劉餘祐

平陽府推官白楹

夏縣知縣王彥葵仝發刻

平陽府教授譚文化仝訂

五言律詩

古松

摧頽巖壑間  
磊落得天頑  
香葉低漸水  
餘根倒挂山

白猿窺子落黃鶴認巢還不久應爲石莓苔舊已班

故絳城

文公恢霸畧征討輔周衰奕世爲盟主諸侯聽會期

山河表裏在朝市古今移欲訪虜祈

晉宮名

處鄉人亦

不知

塞上四首

節物正防秋關山落葉稠霜風壯金鼓霧氣濕旌裘  
未得西羌滅終爲大漢羞慙非班定遠棄筆取封侯

鴻鴈秋先到羊牛夕未還旌旗遙背水亭堠遠依山  
落日銜西塞陰煙澹北關何時獻戎捷鞍甲一朝閑  
三

瀚海秋風至蕭蕭木葉飛如何逢漢使猶未寄征衣  
不歎千里遠難耳一信稀年年沙漠鴈隨意得南歸  
四

劍客蒼鷹隊將軍白虎牙分兵邏圓水縱騎獵鳴沙  
浪有書藏袖難憑信達家不堪聞曉角吹盡落梅花

黃柑

黃金綴縹帶搖落楚江涯采助杯盤勝羞將橘柚偕  
時移香不變物遠味尤佳欲種滄洲樹何年此意諧  
晉陽三月未有春色

天心均煦嫗物態異芬芳上國花應爛遶城柳未黃  
清明空改火元已漫浮觴仍說秋寒早年年八月霜  
柳溪對雪

春風不勝雪散漫度龍沙密映綠谿柳爭飛亂眼花  
鴟夷賒美酒油壁繫輕車塞下芳菲晚聊將當物華  
酪羹

軍厨重羊酪饗士舊風傳不數紫萁滑徒誇素鮪鮮

燔

音密 蠡 蠡 乾 醅也

煩桐

音同

取勺藥助烹煎莫與具兒說

還令笑茂先

奉同道矩謝始平公惠硯

爵臺今已傾飄瓦出燕城還入縑緇用尤資筆墨精  
相君憐古物內史擅書名聊用飛軍檄何愁插鼻平  
到并州已復數月率爾成詩

忽忽此何地經時更自猜深疑醉裏得復似夢中來  
薄宦真何益浮生信可咍鵬蜩定有分不若寸心灰

北軒老杏其大十圍春色向晚止開一花予憫  
其憔悴作詩嘲之

春木爭秀發嗟君獨不材須慙一花少強逐衆芳開  
頑艷人誰采微香蝶不來直爲無用物空爾費栽培  
杏解嘲

造物本非我榮枯那足言但餘良幹在何必艷花繁  
壯麗華林苑歡娛梓澤園芳菲如可采豈得侍君軒  
寄陝西提刑江學士

明主矜庶獄選才從本朝鄭侯三尺律漢使一封軺

郡國清名滿關河古意饒淒涼  
乘障客蓬髮日蕭蕭  
和樂道自河外南轅過  
宜芳雨晴和氣景物可

愛馬上偶成

京洛春應老河邊初解顏  
碧浮煙際草翠滴雨餘山  
目極褰帷外詩成攬轡間  
滿川桃李色共喜傳車還

夏日

窮邊已深夏氣色耿清秋  
鮮旭開山郭涼煙澹戍樓  
甕鈴烽火息區脫虜塵收  
迨此軍中暇無妨文雅遊

曉思

二首



東帶朝尚早蓬門未脫局短籬潛落月老樹帶孤星  
隱几貂裘黑開編竹簡青子雲非執戟何以得窮經

二

盡日少閑暇中宵夢亦勞符移空浩浩榜楚鎮蒼蒼  
敢說今求郡鬪思昔坐曹羨君乘五馬東去一何高  
詩寄雲夫處士老兄兼呈知府待制八丈

一鷲曾飛奏中林下鶴書今乘使君馬重到逸人居  
松竹過從久間閭惠愛餘只應棠樹影比舊更扶踈  
雪中尋友人不遇

擁袖犯風雪驅車行詣誰朱門不可入素友復難期  
依世誠多拙迷方忽自悲禍心終寡合吾道易參差  
感興寄聶之美

平生百無可強爲一官縻世味偏予薄心期獨子知  
林猿愁玉璫攪馬患金羈年事今華髮求榮欲爲誰  
和江鄰幾今鈴菊

何處見佳菊秋風汶水陽酒浮金鐸細露泛密房香  
不謂紅塵地相逢君子堂依然故人意不減舊芬芳  
寄清逸魏處士

卿樹三搖落臨風歌式微徒嗟俗緣重端使素心違  
茅閣杉松冷山園藥草肥不能如海鷺歲歲一西飛

贈清衍

我厭俗緣苦空爲俗宦牽如師真達者於世亦超然  
救笠衝塵陌寒雲擁雪天崎嶇遠相顧深愧此心專  
和宋次道西都元日懷不疑并見寄

露冕優分竹題輿佐畫圻比年攜手樂茲日賞心違  
齋祀春來併娛遊別後稀誰憐從窶卒草際犯寒歸

正月二十四日夜雪

疊瓦浮輕雪參差粉畫難苦欺砌變柳故壓水生蘭  
夜色微分白春容不受寒卽爲花卉奪猶得暫供看

酬不疑雪中書懷見寄

校理邵必

直道免三黜敢云羞小官盤餐紅粟澁衣桁黑貂寒  
書府容身易侯門曲意難荆扉盈尺雪有客問韋安

苦雨

積雨欲侵旬朝晡漫不分蒼涼微露日慘澹已生雲  
地半成泥滓天應厭垢氛時聞度鵲鵲空外自爲群

又和雪霽

南宮來幾時挾纊易春衣  
意謂花將晚何言雪尚飛  
夜轂通旅枕曉色弄晴暉  
繼日勞王事離離鴈已歸  
又和二月五日夜風雪

春風正豪怒夜雪復飄揚  
勿使羈愁亂自知清興長  
簾疎轂淅瀝燈冷暈微茫  
此夕牛衣客成名不可忘  
和伯鎮再入館

甘泉獻賦人流落浙江濱  
自嘆三年謫歸來萬事新  
銓衡時進對戶牖日相親  
明主方思賈非徒問鬼神  
山頭春色

天意欲迴煦群生稍鬱蒸平田猶未徧絕嶺獨先升  
翠色添崖栢寒聲折澗冰誰爲物外友挈手共同登

冬夜

冬夜何其永寒光四次寥鴈橫星歷歷人靜漏迢迢  
破屋霜應重荒庭雪未消不眠何所念達曉思無憊  
和同舍對菊無酒

黃花倚秋色曄曄爲誰開更使窺殘盞空令洗舊杯  
嗅香行繚繞撚藥立徘徊盡日柴門外白衣來不來  
聶之美訪及不獲展奉以詩爲謝

昔君來闕下定館必吾廬今者雖相值依然是索居  
之美館不堪休沐少便使往還疎深愧原思巷空迴  
於僧舍  
長者車

蘇先生

長嘯蘇門石行藏世莫知逍遙心迹遠寂寞姓名誰  
鄉在無何有時方不可爲麒麟本神物安得係而羈

寄贈致仕劉都官

諷張元常云諷年六十二致仕夫婦皆徙居簡州賴山中

有二子皆有官其一登進士第諸孫皆好書

星郎年未至辭祿一何高日瑩棲靈氣眉疎出秀毫

胸中自有樂身外盡徒勞回首紅塵地紛紛笑我曹

二

解綬沱江外誅茅井絡邊老萊夫婦隱韋孟子孫賢

浮蟻邀旁舍蹲鴟種薄田不須親几杖想望已蕭然

范景仁詩云移家尚恐青雲淺隱几唯知白日長朱公綽詩云疏草焚來應見史橐金散盡只留書

喜李侍郎

東之

得西京留臺

賤子何爲者栖栖今二毛滄波浮片葉大塊載秋毫  
利物物何補營身身已勞羨君遺世網脫屣一何高  
始平公新作雙樗庵命光爲詩



間氣生王佐多才秉國鈞  
棟隆憑杞梓節勁仰松筠  
底績承平業遺榮壽考身  
結廬依散木退讓樂天真  
忝職諫垣日負憂畏緬思  
雲夫處士老兄蕭然

物外何樂如之因成浮槎詩寄獻以抒鄙懷

秋水浮槎客漂如一葉輕  
鷗群須仗信鯨口幾忘生  
耿耿天津闊滔滔海浪驚  
何時還故土懷轡問君平

小園晚飲

賦得春字

公府豐暇豫真成棄擲春  
招邀俱勝友爛熳醉芳辰  
花艷穠無敵文鋒健有神  
猶勝擁朱墨終日坐埃塵